

Centauris ipsis inest, sed equi atque uiri species illa ex hac re tantum existit. Cum itaque tali prore ab Ixione pecunias donaque Centauri reportauissent, proque hoc facto ualde exultarent, contumeliosi insuper ac superbi opibus ex illis facti, mala passim multa iam contra ipsum quoque Ixionem perpetrabant, qui quidem Ixion tunc temporis Larissam nuncupatam ciuitatem incolebat, qui uero regionem illam tunc tenebant, Lapithae uocabantur. Inuitati autem cum ab his Lapithis forte ad contiuuium centauri essent ebrii facti, eorum mulieres diripuerunt, quas cum equos inscendere fecissent, domum illico fugientes quod impetus illos ferebat, secum asportarunt, sicque bellum aduersus Lapithas centauri ob hanc rem gerebant, & nocturno tempore e montibus in planitiem descendentes insidias illis struebant. Diurno uero tempore cum plura diripuissent, in fugam sese conuertentes, montana loca repetebant. Quibus ita recedentibus equorum duntaxat caudae capitaque hominum a longe apparebant. Alienum itaque ac inusitatum spectaculum hoc animaduertentes homines dicere consueuerunt. Centauri nos quidem inuadentes, ex Nephelle, hoc est, Nubem nuncupato loco, mala multa nobis inferunt. Atque ab hac utique sermonis forma, incredibilis fabula conficta formataque fuit, utpote, quod ex Nephelle, loco ita dicto, equus & uir in monte congeniti fuissent.

De Pasiphae.

Pasiphaen tauri pascentis amore captam fuisse fabulantur. Nec non Dædalum ligneam uaccam fabrefecisse, & in eam Pasiphaen inclusisse, sicque taurum, eam inscendentem mulieri admixtum fuisse, quae puerum ex hoc complexu uiri quidem corpus & bouis caput habentem conceperit. Ego uero tale quidpiam minime factum fuisse dico. Primum namque impossibile est, quod unius generis animal alterius ac diuersi generis animantis mutuo amore detineatur. Nec utique possibile est canem & simiam, lupumque & hyenam inter se, aut cum ceruo bubulum admisceri. Diuersi namque generis atque natura animalia existunt. Neque adeo mihi taurus cum uacca lignea sese miscuisse uidetur, aut quod etiam ullo pacto ascendentem taurum mulier tolerare uel conceptum, cornua habentem in utero ferre potuerit. Veritas autem fabulae sic ergo sese habet. Minoae dicunt cum circa pudenda morbo laboraret, a Cride Pandionis, curatum fuisse, per illud autem curationis tempus Minoem iuuenis quidam satis formosus Taurus nomine sequebatur, cuius cum Pasiphae amore capta fuisset, illi miscetur, puerumque ex illius complexu genuit, quod uidens Minos, ac tempus quidem supputans ex quo dolore pudendorum conflictari coeperit, agnoscensque, quod puer hic ex se natus esse non posset, eo quod per aliquod tempus cum Pasiphae uxore rem non habuisset, ex tauro, potius iuuenis puerum illum conceptum esse cognouit. Neque tamen ob id eum interimere uolebat, quia sui ipsius filiorum frater quodammodo ob similitudinem aliquam esse uideretur. In montem tamen quendam eum relegatum mittit, ut in seruitii parte atque officio cum pastoribus esset. Ille uero bubulcorum imperio sese subiicere minime uolebat, quod cum Minos intellexisset, & ea quae ab ipso fiebant, quaeue aduersus eum dicebantur, ocyus illum comprehendi ac detineri, missis eorum ciuibus suis, iussit, & si quidem sponte sequeretur, solutum ad se accedere sinerent mandauit, sin minus, ligatum perduceret. Quo intellecto adolescens ipse protinus inde abiit, sequi in montes recepit. Unde oues diripiens uita sic degebat. Verum cum Minos aliam quoque, & eam quidem maiorem turbam, ad eum comprehendum misisset, iuuenis ille fossam sibi profundam faciens, intra eam sese ipsum conclusit, ubi tauro sic existente. Si a Minoe iniustus quispiam uir aliquando deprehensus fuisset, ad taurum protinus, ab eo interimendus, poenasque illi daturus, mittebatur. Atque adeo cum Theseum olim Minos hostem cepisset, ad taurum eum misit, tanquam manibus eius peritum. Qua re ab Ariadna cognita, enssem in carcerem, quo Minotaurum interfecit, ad eum praemisit.

De Aetæone.

Aetæona a propriis deuoratum canibus fuisse dicunt, quod quidem totum falsum est. Canum namque ea propemodum peculiaris natura est, dominum in primis suum uel maximo amore prosequi, praesertimque uenaticorum, qui cunctis hominibus adulantes,

Nephelle pagus

Taurus Minois scriba cuius amore capta est Pasiphae. Serus

Intra Labyrinthum Minotaurus

Canis in dominum amor. Xenophon & Plinius

k 3 cauda